

Republika e Kosovës

Komuna e Drenasit

Kuvendi i Komunës

Nr. 12.06025380 dt. 11.06 2021

PROCESVERBALI

I mbledhjes së Komitetit për Politikë dhe Financa të mbajtur më dt. 24.05.2021, ora 10:00.

Mbledhjen ë kryesoi: Labinot Halilaj- Kryesues

Kryesuesi deklaroi të hapura punimet e mbledhjes të Komitetit për Politikë dhe Financa ku të pranishëm ishin anëtarët e Komitetit për Politikë dhe Financa: Gani Podrimqaku, Blerina Gashi, Florentina Elezi, Fitore Morina, Edolina Plakiqi, Burim Bujupi si dhe prezent gjatë këtij takimi ishin: Kryetari i Komunës z. Ramiz Lladrovci, Drejtori i Shëndetësisë Arsim Haxhiu, Drejtoresha për Shërbime Publike Lumnije Krapit dhe përfaqësues të Handikos-it.

Komiteti filloi punimet më këtë:

Rend dite:

1. Procesverbali i mbledhjes së Komitetit për Politikë dhe Financa i mbajtur më dt.21.04.2021.
2. Raporti i përditësuar epidemiologjik i Komunës së Drenasit lidhur me pandeminë me Covid-19 (vir.SARS-COV2) Mars-Maj 2020-2021 si dhe procesi i deritanishëm i imunizimit-(vaksinimit)
3. Propozim vendim për caktimin e anëtarëve të komisionit për monitorimin e Kodit të Etikës.
4. Propozim-Diskutim i Raportit të punëve të Kompanive KRM (Pastrimi) dhe KRU-(Prishtina) në Drenas.
5. Të ndryshme

Kryesuesi e Kuvendit Komunal Labinot Halilaj, pasi përshëndeti të pranishmit, deklaroi të hapura punimet e mbledhjes të Komitetit për Politikë dhe Financa, ku prezantoi rendin e ditës, pasi nuk pati diskutime apo sugjerime kryesuesi hodhi në votim rendin e ditës, prezent gjatë votimit ishin 7 anëtarë, ku votuan në mënyre anonime të gjithë anëtarët e K.P.F-ca: 7 vota për, 00 vota kundër, 00 abstënim

Kryesuesi e Kuvendit Komunal Labinot Halilaj, hapi diskutimin për pikën e parë të rendit të ditës: **1. Procesverbali i mbledhjes së Komitetit për Politikë dhe Financa i mbajtur më dt.21.04.2021.**

Pasi që nuk pati diskutime, vërejtje apo sugjerime kryesuesi hodhi në votim këtë pikë të rendit të ditës, prezent gjatë votimit ishin 7 anëtarë, ku votuan në mënyre anonime të gjithë anëtarët e K.P.F-ca: 7 vota për, 00 vota kundër, 00 abstënim.

Kryesuesi e Kuvendit Komunal Labinot Halilaj, hapi diskutimin për pikën e dytë të rendit të ditës: **2. Raporti i përditësuar epidemiologjik i Komunës së Drenasit lidhur me pandeminë me Covid-19 (vir.SARS-COV2) Mars-Maj 2020-2021 si dhe procesi i deritanishëm i imunizimit–(vaksinimit)**

Drejtori i shëndetësisë Arsim Haxhiu, sqaroi që ka një raport përmbledhës i përditësuar epidemiologjik me sars-cov2 Drenas për vitin 2020/2021 dhe procesi i deritanishëm vaksinimit. Gjithsej raste nga epidemiologjia me test pozitiv Sars-cov2 sipas grup moshave për vitin 2020/2021 gjithsej janë 1866, ndërsa raste të shënuara 1755, ndërsa vdekshmëria deri me tani ka qene 69. Numri i të vaksionuarve me vaksinën Astra Zeneca dhe Pfizer me dt 17.05.2021 totali është 1167, Astra Zeneca 1095, Pfizer 72, mbi moshën 65 vjeç 1090, punetoret shendetesor74, pacientë të hemodializes 3, ky është një raport i përditësuar, ndërsa për kuvend i përditësojmë të dhënat dhe për kuvend i marrim të dhënat një ditë më herët.

Florentina Elezi, duke marrë parasysh përdhën e pandemisë është një periudhë e vështirë të cilët e kanë kaluar personat me covid, dhe ju duhet me i iu nënshtruar disa analiza për me e shiku gjendjen e tyre shëndetësore se si është, sa kam informata laboratorët në QMF nuk janë duk punuar për analiza vetëm hemogrami, pse nuk po i rregulloni ato aparate që janë të prishur që një kohe të gjatë?

Drejtori i shëndetësisë Arsim Haxhiu, rregullisht është punuar pa ndërpre kur ka të bëjë me teste serologjike, raportin e ardhshëm do ta shikoni edhe raportin e testeve serologjike, çështja e defekteve të aparateve është në procedurë të lidhjes së kontratës të servisimit të tyre, por edhe ne duhet me pas parasysh se për covid janë disa analiza që nuk mund të behën tek ne, është çështje si protokoll se nuk mundem me i bene, jemi në procedure, presim projektin që të vijë, profesionistet e biokimisë të nënshkruhet dhe të zhvillohet në procedure çështja e mirëmbajtjes se atyre aparateve.

Florentina Elezi, shpresoj që të bëhet sa ma shpejt sepse çështja e procedurave janë bërë shumë ankesa, sepse kanë shkuar qytetaret e kanë shkruar emrin mirëpo ju kanë thënë që vetëm hemogrami behet kur kanë pas edhe analiza tjera, dua ta ngriti edhe një çështje tjetër, jemi mirënjohës edhe për ordianca private edhe laboratorët privat mirëpo për mua është shumë e palogjikshme që një punëtor shëndetësor me punu edhe ne privat edhe ne publik ne të njëjtën kohë se di si është me rregull.

Drejtori i shëndetësisë Arsim Haxhiu, orari zyrtar është orar zyrtar nuk ju lejohet puna jashtë orarit të rregullt zyrtar, mirëpo nëse ka ndonjë rast që punon ndonjë punëtor gjatë orarit zyrtar në privat atëherë në do të marrim masa.

Kryetari i Komunës z.Ramiz Lladrovci, nëse e dini ju ndonjë rast duhet me na tregu dhe në do të marrim masa, sepse gjatë orarit zyrtar nuk ju lejohet me punu edhe privat, ndërsa sa i përket analizave të gjakut gjithçka që është me rregullore apo udhëzim administrativ kryhet në QKMF, analizat e Covid 19 nuk kryhen në QKMF.

Burim Bujupi, pyeti sa është numri i punëtorëve shëndetësor, që e ceke që janë 74 të vaksinuar, çfarë ka ndodh me pjesën tjetër kur pritet me u vaksinon apo kanë dashur apo jo të vaksinohen?

Drejtori i shëndetësisë Arsim Haxhiu, po për momentin i kanë marrë vetëm 74 punëtor shëndetësor.

Kryesuesi e Kuvendit Komunal Labinot Halilaj, pasi që nuk pati diskutime tjera, vërejtje apo sugjerime edhe këtë pikë të rendit të ditës e rekomanduan për kuvend.

Kryesuesi e Kuvendit Komunal Labinot Halilaj, hapi diskutimin për pikën e tretë të rendit të ditës: **3. Propozim vendim për caktimin e anëtarëve të komisionit për monitorimin e Kodit të Etikës**. Pasi që nuk pati diskutime, vërejtje apo sugjerime edhe këtë pikë të rendit të ditës e rekomanduan për kuvend.

Kryesuesi e Kuvendit Komunal Labinot Halilaj, hapi diskutimin për pikën e katërt të rendit të ditës: **4. Propozim-Diskutim i Raportit të punëve të Kompanive KRM (Pastrimi) dhe KRU-(Prishtina) në Drenas**.

Drejtoresha për shërbime publike dhe emergjencë Lumnije Krap, Duke bazuar në ligjin nr.Nr.087 për Ndërmarrjet Publike që kompanit e lartëshenuara janë të obliguara që të raportojn kryetarin e komunës, bazuar në nenin 18 ligji 04/L-111 i dt.30.05.2012 ndryshimi dhe plotësimit të ligjit 03/L-87 për Ndërmarrjet Publike, Neni 31.6.Ligji bazik dhe neni 18 i ligjit 04/L-111 i dt. 30.05.2012 i cili thotë se Raportet Vjetore dhe Tremujore në form të informatës i dërgohen edhe Kryetarit të Komunës në të cilën ushtron veprimtarinë e Ndërmarrja Publike në pajtim me ligjin mbi vetëqeverisjen Lokale. Pas analizes se raporteve janë vërtur probleme dhe sfida me të cilat janë ballafaquar kompanit gjatë vitit 2020, të cilat probleme kanë ndikojnë drejtpërdrejt në jetën dhe mirëqenjen e qytetarëve. Rrjeti I kanalizimit në zonën urbane të qytetit në Drenas është i ndërtuar në vitet 70 (shtatëdhjeta) i dimenzionuar për një periudhë të caktuar kohore e që tani me rritjen e numrit të banorëve në zonën urbane po paraqiten probleme të vazhdueshme me bllokime të shpeshta. Problemet kryesore me këto rrjeta janë: Kapaciteti jo mjaftueshem i gypave për qarkullimin normal të ujrave të zeza, Kyqjet jo profesionale të disa konsumatorëve në rrjeta të ndërtuara, Mungesa e rrjetave të kanalizimeve për ujra atmosferike Kombinimi i rrjetave të kanalizimit të ujrave të zeza me ujrat atmosferike, Rrjeti shumë i vjetruar i gypave të kanalizimit të ujrave të zeza dhe vështirësitë në mirëmbajtje, Mungesa e kapakëve të pusëve të rrjetit si ato të ujrave të zeza ashtu edhe atmosferike, Pakujdesia edhe e konsumatorëve në shfrytëzimin e rrjetave të kanalizimeve. Gjatë shqyrtimit të problemit kemi arritur në përfundim, që për menjanimin e problemit të zbatohet legjislacioni në fuqi nga organet kompetente **Pëfundime:** Ndërtimi i gypave të kanalizimit të cilët nuk i plotësojnë kushtet për rrjedhje normale të ujrave të zeza

Ndertimi I rrjetave te kanalizimeve atmosferike ne zonat ku nuk ka rrjeta,

Ndarja e ujrave te zeza nga ato atmosferike

Sigurimi I paisjeve adekuate per mirembajtje te rrjetave.

Mirembajtja permanente e rrjetave

Rritja e kapaciteteve per mirembajtjen e rrjetit te kanalizimit, kompania e ujesjellësit në nivel posedon vetem një paisje per mirembajtjen e kanalizimit

Ndersa sa i perketë zonave rurale shkaqet e bllokimeve të kanlizimeve, gjatë verifikimit të gjendjes ne teren .

Hudhja e mbeturinave nga qytetarët e papërgjegjshëm në pusetat e kanalizimit.

Marrja –thyerja e kapakve të pusetave të kanalizimeve.

Derdhja e ujërave Atmosferike në kanalizimin fekal sidomos nëpër kanalizimet që janë për gjatë tokave bujqësore si dhe në shumë raste edhe lidhje e ujërave të shtallave të kanalizimeve.

Punimet e rrugëve në shumicën e rasteve demtohen gypat e kanalizimeve.

Si dhe në disa fshatra seksioni i gypit të kanalizimeve nuk korospondon më numrin e ekonomive të kyqyra në këtë Kushtet atmosferike si shiu dhe vërshimet.

Ndersa sa i perket shërbimit të menaxhimit të mbeturinave, pas shqyrtimit dhe analizimit të raportit të ardhur nga kompania është hartuar një rezyme si në vijim;

Bazuar në marrëveshjen për shërbimet primare të menaxhimit të mbeturinave midis komunës së Drenasit dhe KRM “Pastrimi” - Prishtinës, datë 27.01.2020, mbështetur në këtë kompania ndër të tjera angazhohet në grumbullimin, transportin dhe deponimin e mbeturinave komunale deri në vendin e caktuar.

Si informacion fillestar bazuar në raportet vjetore të kompanisë (viti 2020) numri i ekonomive familjare që pranojnë shërbim në ekonomitë familjare është 80%, biznese 35% dhe institucione 92%. Vlera totale vjetore (viti 2020) e faturimit për të gjitha kategoritë (amvisëri, biznese, institucione dhe të veqanta) është 487,316.97 euro, ndërsa inkasimi vjetor për të gjitha këto kategori është 481,065.21 euro. Sasia totale vjetore e grumbullimit të mbeturinave nga KRM Pastrimi për vitin 2020 është 7,466.71 ton.

Drejtorati i DSHPE përgjatë vitit 2020 në vazhdimësi ka informuar përmes veb faqës së komunës se, kompania Pastrimi në fillim të këtij viti është ballafaquar me defekte në makineri, që ka rezultuar në moskryerjen e rregulltë në disa raste të shërbimit për grumbullimin e mbeturinave në territorin e komunës së Drenasit. Si rezultat i kësaj, janë mbajtur takime pune të vazhdueshme. Gjatë takimeve ndër të tjera temë diskutuese ka qenë ecuria e sistemit të menaxhimit të mbeturinave në komunën e Drenasit. Gjatë takimeve përfaqësuesit e kompanisë janë informuar mbi ankesat e qytetarëve për grumbullimin e mbeturinave, ku këto ankesa ndërlidhen edhe me raportet e dërguara nga kjo kompani se në ditë të caktuara në disa zona nuk ju kryhet shërbimi sipas orarit të caktuar. Nga kompania tregojnë se e gjithë kjo po ndodhë si rezultat i defekteve në makinerin, përkatësisht kamionat për bartjen e mbeturinave (problematika e makinerisë së vjetëruar dhe dëmtimi i shpeshtë i pjesëve). Si përfundim në këtë pikë diskutuese ne si drejtori kemi kërkuar që kompania të rritë kapacitetet e makinerisë funksionale për grumbullimin e mbeturinave në mënyrë që qytetarëve të ju ofrohet shërbimi i rregullt i mbeturinave dhe respektimi i marrëveshjes së lidhur midis komunës dhe KRM – Pastrimi për kryerjen e shërbimit primar të mbeturinave komunale. Pas këtij takimi të realizuar deri më tani kompania në fjalë, bazuar në emailat e dërguar nga zyrtari i tyre, ende vazhdon të përballlet me defekte në makineri dhe mos zbatim të itinerarit të plotë për grumbullimin e mbeturinave.

Si komunë cdo kemi vazhduar bashpunim me KRM duke mbeshtetur përmes granteve të performances. Nga granti i performancës mjedisi i pastër i vitit 2017 si aset për kompanin, një kamion terreni për grumbullimin e mbeturinave


Po ashtu edhe për grantet e fituara gjatë viteve 2018 dhe 2019, ku vlera e këtyre granteve të ndara nga Gizi do të investohet në ngritje të kapaciteteve për kompaninë që operon në grumbullimin e mbeturinave. Në kuadër të kësaj është bërë vlerësimi i nevojave për mjete, dy kamion terreni për grumbullim të mbeturinave. Deri më tani bazuar në informacionet nga gizi gjerman proceduar për sigurimin e paisjeve në kuadër të këtyre granteve janë në fazat e prokurimit dhe brenda këtij viti do të finalizohen. Pas skadimit të afatit të "Planit të menaxhimit të mbeturinave", është formuar grupi punues në kordinim me GIZ, do të fillojn me harimin, plotësim dhe nryshim të Planit për menaxhimin e mbeturinave për vitin 2021/25 dhe do të inkoopurohen objektivat për themelimin e një Ndërmarrje publike për menaxhim të mbeturinave në kuadër të komunës.

Kryesuesi e Kuvendit Komunal Labinot Halilaj, hapi diskutimin për pikën e pestë të rendit të ditës: **5. Te ndryshme.**

Nuk pati diskutime.

Mbledhja përfundoj në ora 10:56 min

Procesmbajtëse:



Liridona Fejza-Ajazi



Kryesuesi i Kuvendit Komunal
Labinot Halilaj